

沈刻元典章

附陳氏校補校例

第二十册

戶部

祿廩

職田

官員職田依卿原例分收至治二年鈔到江西省延祐二年

三月

日准中書省咨戶部呈奉中書省判送本部原

呈奉省判御史臺呈據葉宗禮告係江西道袁州路萬載縣人戶告爲職田事得此照得中書左三部奉中書省劄付近將隨路州府司縣官員勘酌定到俸鈔外據職田合依舊例標撥奏奉聖旨准欽此省府今比附舊例約量定到各路州府司縣官員職田頃畝除斷沒地營盤草地外

仰於本處係官並戶絕地及冒占荒閑地內依數標撥召募培牛院客種佃依卿原例分收於內若有荒地於近上有牛力民戶內勘酌時暫借債牛力限二年內逐旋耕墾作熟依上召人種佃已後各官相公交割取明白公文申部仰照驗行下各路總管府依上施行才候撥定各各頃畝條段卓望四至備細造冊申部類攢呈省毋致因而多餘開要違錯奉此省部合下仰照驗速爲照依前項所奉中書省劄付處分事理施行才候撥定照依連去體式備細造冊一本申部毋致因而多餘開要違錯今據見告本臺看詳外任官員職田原行既許召募佃客依卿原例分收今葉宗禮見告袁州路却行多勒鈔事屬不應宜從都省移咨行省行下合屬依例分收嚴加禁止今後不許似前椿配多勒鈔定庶免百姓生受具呈照詳批奉都堂鈞

旨送戶部照擬連呈奉此照得葉宗禮所告袁州路官員
職田至元十四年起徵稅糧之時亡宋俱有文簿將屯田
營田職田一體科徵及以卿原斛斗較量每米一石准官
斛四斗每官田一畝比附卿原舊額增損登荅科徵卿原
六斗准收官斛二斗四升比之民田每畝三升尤慮太重
得蒙從優每畝徵納糙米二斗二升至元二十三年標撥
職田赴各官私衙送納子粒稱是佃戶每畝勒要白米六
斗比之官收子粒多要訖三斗八升每斗又加斗面米三
升五合鼠耗米三升五合仍復堆垛斗面高糧一畝納一
石之上至元三十一年蒙上司將職田照依官租項下登
荅作數每畝二升外加耗米出給田帖付各戶赴官倉送
納元貞元年各官視爲已業申覆上司復回職田赴各官
衙內交納每畝依前勒要納米六斗連斗面鼠耗米共折

鈔三十六兩本部議得合依御史臺所擬嚴加禁止不許
似前椿配多勒鈔定庶免百姓生受據外任官員職田擬
合照依卿原舊例段正分收今後毋得似前椿配人戶多
餘取要宜從都省劄付御史臺及咨江西行省依上施行
相應具呈照詳批奉都堂鈞旨送戶部再行照擬連呈奉
此照得葉宗禮告狀內所指羅安定等節次赴省臺呈告
袁州路官員職田爲此行據省架閣庫呈連到文卷一宗
該羅安定狀告江西袁州路萬載縣人氏於至元二十四
年蒙上司將民間所佃職田分撥各官衙每一畝勒要送
納上等白米六斗各官令梯已提控總領人等將濶麪軍
斗高糧加倍仍要水脚稻藁等錢不容分訴使民不得已
而變賣家產了納其司縣逐年豫先差祇候人等除要雞
酒外要勾追鈔兩多者十兩少者五兩以致所佃職田民

戶多有逃亡及親鄰主首人等官司勒要閉納以致下民
流散拋下土田無人耕種者官司全不體察下民枉受虐
害俱各不得相安矣緣民戶所佃職田係亡宋不堪耕種
田土比及歸附以來所納米石加增數倍爲此生受有一
般佃職田民戶楊天祐等已經累告行省不蒙明降乞詳
狀事都省照得近據御史臺呈監察御史條陳事內一件
隨路按察司並管民官員合得公田常例自行招募佃客
所收子粒照依體例分張或自行種佃在後各處官司往
往不似舊例却將公田椿配百姓自願每年驗頃畝比之
常例多行取索租課虧損下民搔擾不安今後莫若革去
此弊深爲便益送戶部照得各路官員公田擬合照依舊
例招募有牛之家作佃客耕種依卿原例分收子粒毋得
椿配百姓已於至元二十八年五月二十七日遍行各省

依上施行去訖今據見告毋令百姓包納搔擾違錯十二月二十三日移咨江西行省依已行事理施行去訖今奉前因本部議得葉宗禮所告袁州路官員職田不依舊例收租每畝勒要米六斗又行加糧斗面及折收鈔兩事屬不應以此參詳合依御史臺所擬今後照依卿原舊例改正分收不許似前椿配多餘取要庶免百姓生受宜從都省移咨江西行省嚴行禁止相應得此咨請依上施行

俸鈔

官吏罰俸定例至治二年鈔到江南行臺延祐五年九月

日准御史臺咨奉中書省劄付江浙省咨福建宣慰司呈近奉江浙行省劄付該准都省咨刑部呈河間路申巡檢劉國安關魏宣道被刼三限不獲賊徒當職罰訖兩月贖罪俸錢中統鈔二定照得各處有公田巡尉人員罰俸一月止罰中統鈔十兩當職全無公田改支至元鈔數罰俸一月該中統鈔五十兩實爲偏負看詳各處巡尉人員有公田者月支中統鈔一十兩據巡檢人員合罰俸鈔擬合照依有公田官員罰月俸中統鈔巡檢一十兩縣尉一十二兩然此未有定例乞照詳事得此參詳諸衙門官例有職田者月支中統鈔兩因無職田祿米改支至元鈔數

較之職米價錢與月俸爭多數倍其罪輕應罰俸錢中間有公田人員止罰中統鈔數無職田官吏却罰至元鈔兩事涉偏負若依巡尉人員一體追罰事干通例送刑部議得内外有司官吏有公田者依舊支請中統鈔俸無者關支至元鈔兩所犯公罪輕重不同今後除應的決者依例斷遣其餘輕罪臨時勘酌以中統爲則罰俸相應具呈照詳都省准擬仰依上施行

上頭省臺差人交燒毀呵那鈔內檢閱出一千三百一十二定有餘摺補挑剔假偽等鈔來有俺差人交就那裏問去呵那庫裏行的一箇任義名字的合千人他和別箇人通同著與了自己的好鈔轉買將摺補挑剔假偽鈔來却入官庫內倒換出鈔本去了又有江南來的蠻子並諸人每似這般將的假偽反鈔來和他通同著也倒換出鈔本去了有於那倒換出來的錢內他要了二千二百五十貫至元鈔入已了麼道明白與了招伏文書有交刑部定擬呵這任義名字的人所犯即係盜所守官錢合處死有省裏差官與本道廉訪司官一同復審無冤呵處死其合千礙的三十九箇人內杖罪的徒年的各各罪名都定擬了似這般反鈔多了的上頭將鈔法的勾當好生澁滯了有依著他每定擬將來的行呵怎生奏呵那般者麼道聖旨

了也欽此都省差官欽依處斷外今將各各犯人並官吏人等已斷罪名開咨請禁約施行

處死通同收接假偽等鈔倒換合千人任義

一百七下徒一年摺補裨輳鈔兩陳念七等四名

一百七下同情收接假偽倒換合千人王用

九十七下知情收買假偽鈔胡牛兒等九名○收接假

偽鈔徐得興三名

八十七下描寫昏鈔賈山兒等二名○接攬假偽鈔牛

山等五名恐嚇指錢張旺等四名

七十七下解見任降先職二等敘用庫副兀林荅固真

○革去庫子張晞

六十七下解前任降先職一等別行求仕庫使李貞○

革去庫子李思恭

四十七下革去攢典孫敬祖

三十七下解見任別行求仕提調官州尹趙仲禮

二十七下干連人趙濟民

一十七下依舊勾當 知事鄭居敬 司吏曹琚 梁

賢

提調鈔法

延祐五年三月

日江西行省准中書省咨監

燒延祐四年秋季昏鈔官呈於曹州合燒昏鈔內檢閱出接補描改假偽等鈔廣平路閱出接補挑剝不堪等鈔庫子劉琮狀招爲不識昏鈔憑本庫楊大使說合作保雇覓見役合十人李士信辨驗致令李士信接到不堪等鈔得此檢會到至元新格內一款節該諸行用庫凡遇諸人以昏鈔易換料鈔云云欽此已經遍行各處欽依施行去訖據前因都省議得各處設立行用庫專以剝換昏鈔委官

提調務要鈔法通行今曹州等處接到挑剗裨輳等鈔蓋
是提調人員不以鈔法爲重失於檢校又不關防因循苟
且以致庫官庫子人等通同作弊若不遍行曉諭切恐其
餘去處似此奉行不至枉遭刑憲除外咨請行下合屬欽
依施行仍嚴責提調官吏人等常切用心設法關防依例
倒換時至檢校及釐勒監燒昏鈔官吏子細檢閱毋致縱
令作弊壞亂鈔法

偽鈔

造瀉鈔人家產朱入官經革延祐六年三月
日袁州路

奉江西行省劄付來申許層八等造僞鈔事看詳殺人囚徒遇革倍徵燒埋銀兩充埋殯之資明有通例其許層八抄造僞鈔未嘗結正其罪欽遇釋免所據家產若擬斷沒誠恐差池移准中書省咨送刑部議得江西省咨袁州路申印造僞鈔人許層八李文翁等家產雖曾供報見數終是未經收係入官既遇原免擬合比例革撥相應具呈照詳都省准擬咨請依上施行

偽鈔報未成遇革釋放至治元年七月初四日福建廉訪司書吏王陳檢會到延祐元年十一月江西行省准中書省咨來咨袁州路備宜春縣申甘元亨首至大四年十月二

十七日有戴榮一說合前去伊家刊板造偽鈔公事犯人戴榮一招伏本省詳看戴榮一所招至大四年十月二十七日糾合甘元亨同情抄造偽鈔刊雕到至元二貫偽鈔面印匠其間有偽造者處死字樣開雕未完及用錫鑄印二顆抄造紙壞未曾印造甘元亨首告到官本路已原其罪戴榮一所犯若比朱來興例杖斷一百七下徒役却緣事干通例除將戴榮一監收聽候外咨請照詳准此送刑部議得袁州路宜春縣人戶戴榮一所招不合於至大四年十月起意糾合甘元亨窩藏在家本賊出鉛錫刊造至元二貫偽抄印板一片於上不曾開雕偽造者處死字樣及刊成背印匠篆文朱印二顆抄造到紙壞未曾印造甘元亨首告到官以此參詳戴榮一始初起意糾合甘元亨同謀印造偽鈔戴榮一所造紙壞甘元亨雕刻偽板不曾